

OFFICIUM

SS. MARTYRUM

FRUCTUOSI

EPISCOPI,

AVGVRII, ET EVLOGII

DIACONORUM,

D U P L E X.

*Omnia de Communi plur.
Mart. præter ea, quæ se-
quuntur.*

ORATIO.

DEus, qui Beatum Fru-
ctuosum, & ejus
Diaconos Augurium, &
Eulogium per ignem pro-
bato martyrio decorasti:
concede nobis famulis
tuis, ut ipsorum interces-
sione, flamma divini
amoris succensi, cum il-
lis pariter coronemur in
cælis. Per Dñm. nostrum.

*In primo Noct. Lectiones
de Script. occurrent.*

IN II. NOCTURN.

Lectio iv.

FRuctuosus Civis, &
Episcopus Tarraco-
nensis, eo tempore mar-
tyrium subiit, quo imma-

nis illa Valeriani, & Gal-
lieni persecutio in ele-
ctissima quæque Christi
membra sæviebat. Jam
præter innumeros ubique
terrarum martyres crude-
liter occisos, Romæ Lau-
rentium, Carthagine
Cyprianum mactaverat.
Cumque per Hispaniam
quoque nostram grassaretur,
Æmilianus Præses
Tarraconem pervenit
Urbem primariam. Hic
ergo Fructuosus, ejusque
Diaconis Augurio, & Eu-
logio in carcerem pri-
mum coniectis, post sex
deinde dies, se coram si-
stere iussis, audisti, inquit
Fructuosus, quid Impera-
tores præceperunt, deos
scilicet colendos? Cui

Pon-

Pontifex : Ego unum Deum colo, qui fecit caelum, & terram, mare, & omnia, quae in eis sunt. Numquid & tu, dixit Praeses Eulogio, Fructuosum colis? Ego respondit Levita Christi, Fructuosum non colo, sed ipsum colo, quem & Fructuosus. Similiter Augurio respondente, parique fortitudine tribus constantissime Christum praedicantibus, cum nec minis, nec blanditiis Aemilianus sacrum martyrum pectus emolliere posset, flammis adju-dicavit.

R. Sancti tui Domine mirabile consecuti sunt iter, servientes praecipitis tuis, ut invenirentur illaesi in aquis validis: * Terra apparuit arida: & in mari Rubro via sine impedimento. * Quoniam percussit petram, & fluxerunt aquae, & torrentes inundaverunt. Terra.

lectio v.

Cum igitur Sanctissimus Episcopus cum Diaconis suis ad amphitheatrum duceretur, adeo vehementi populus eorum amore obstringeba-

tur, ut plures etiam Ethnici de iniqua morte lamentarentur. Christiani vero, si quomodo possent Pastoris tui amantiissimi dolorem, mortemque acerbissimam delinire, poculum aromatibus conditum propinabant: sed ille abstinentiae rigidissimus custos, finite, inquit, nondum est hora solvendi jejunii. Cum quidam Christianus, cui nomen Felix, apprehensa manu Fructuosi, eum enixe rogaret, ut sui memor esset in caelis, Fructuosus, cunctis audientibus, digne respondit: In mente me habere necesse est Ecclesiam Catholicam, ab Oriente usque in Occidentem diffusam. Quam responsionem Divus Augustinus in sermone, quem de gloriosis martyribus habuit, laudat, dicens: Neminem singulorum praeterit, qui orat pro universis: ab eo nullum membrum praetermittitur, cujus oratio pro corpore funditur. Acta martyrii Sancti Fructuosi, & Sociorum adeo veneranda apud fideles erant,

ut publicè in Ecclesia coram populo legerentur, non in Hispania tantum, sed in Africa etiam, ac proinde in aliis quoque Occidentalis Orbis Ecclesiis.

R. Verbera carnificum non timuerunt Sancti Dei, morientes pro Christi nomine: * Ut heredes fierent in domo Domini. R. Tradiderunt corpora sua propter Deum ad supplicia. Ut heredes.

Lectio vi.

Postremò Fructuosus Fratres consolatus, & ex revelatione Divina, numquam eis defuturum Pastorem prædicens; alacer, & securus cum sociis suis, flexis genibus super struem lignorum jam ardere incipientium, sese præparat, victimam in odorem suavitatis Deo sacrificandam. Tunc hi tres quasi ex uno ore laudabant, & glorificabant, & benedicebant Deum in fornace, donec per ignem probati, & sine macula venti, purissimas animas Deo reddidère, anno xagesimo secundo supra iacentissimum. Nec de-

fuère magnalia, quibus in terris gloriam Sanctorum suorum patefieri placuit Altissimo: Babylon quippe, & Migdonius licet ex familia Præsidis, Christiani tamen, ipsa quoque filia Æmiliani, cælos scandere egregios Christi Athletas, Angelorum choris stipatos, coronisque redimitos conspexerunt. Nocte superveniente Christiani ad amphitheatrum currentes, martyrum cineres collectos, prout quisque potuit, sibi vindicavit. Sanctus verò Fructuosus apprensus monuit, ut, quod unusquisque pio furto de sacris cineribus usurpaverat, restitueret, unoque in loco simul condendos curaret. Postea in Ligures sacra pignora transportata sunt, servanturque prope Genuam in Benedictinorum Cœnobio, ultra ea, quæ Maurisæ, & in Ecclesiis Tarraconensi, & in Sanctæ Matronæ Barcinonensi pie coluntur.

R. Tamquam aurum in fornace probavit electos Dominus, & quasi holocausti

4
causti hostiam accepit il-
los : & in tempore erit
respectus illorum : * Quo-
niam donum & pax est
electis Dei. *ψ.* Qui con-
fidunt in illum, intelli-
gent veritatem : & fideles
in dilectione acquiescent
illi. Quoniam. Gloria

Patri. Quoniam:
*In tertio Nocturno, Ho-
milias S. Gregorii Papa in
Evangelium. Cum audie-
ritis praelia, de Comuni
plurimorum Mart.*
*Missae, Intret in conspe-
ctu tuo. Evangelium, Cum
audieritis.*

HISPANIARUM.

Plis Serenissimi Regis Catholici instantiis, necnon em-
xis Rmi. Archiepiscopi Tarraconensis, Rmorum. Ar-
chiepiscoporum, Episcoporum, ac Capitulorum Regnorum
Hispania precibus Smo. Dño. N. Benedicto PP. XII, porre-
ctis pro extensione Officii SS. Mart. F. uctuosi, Augurii, &
Eulogii cum Oratione, & Lectionibus secundi Noct. pro-
priis, ad universa Regna, ac Dominia ipsius Serenissimi
Regis, prout die 1. Februarii anni proximi prateriti Ec-
clesiæ Torraconensi indultum fuit, illisque à Sanctitate
Sua ad Sacram Rituum Congregationem remissis, ac per
Emum. & Rmum. Dñm. Card. Belluga relatis, Sacra eadem
Rituum Congr. dict. Offic. singulis annis pro die 21. Jan.
in ipsorum SS. Mart. festo sub ritu duplici, servatis ta-
men Rubricis Breviarii, & Missalis Romani, ab universo
Clero Saculari, & Regulari utriusque sexus in omnibus
Regnis, ac Dominis ipsius Serenissimi Regis Catholici,
juxta petita recitari, & Missam respectivè celebrari posse
censuit, si Smo. Dño. N. visum fuerit. Die 24. Januar. 1728.

Factaque deinde per me Secretarium de predictis Smo.
Dño. N. relatione, Sanctitas Sua benignè annuit. Die 28.
ejusdem mensis, & anni.

F. Card. Coscia Præf.

Loco ✕ sigilli.

N. M. Thedeschi Archiepiscop. Apamen,
Sac. Rituum Congreg. Secret.